



CONCELLO DE MONFERO (A Coruña)

ACTA DA SESIÓN EXTRAORDINARIA CELEBRADA POLA XUNTA DE GOBERNO LOCAL DO CONCELLO DE MONFERO O DÍA VINTE E UN DE NOVEMBRO DE DOUS MIL VINTE E CINCO (41/2025)

Na Casa do Concello de Monfero, ás dezanove horas e cincuenta e oito minutos horas do día vinte e un de novembro de dous mil vinte e cinco, en primeira convocatoria, baixo a presidencia do Primeiro Tenente de Alcalde, D. Alberto Cortizas Rejo, en funcións de Alcalde por enfermidade do Sr. Alcalde, D. Andrés Feal Varela, reúnen-se os Sres. Concelleiros: D. José Grueiro Torrado e D. Ramón Grueiro Martínez, para o efecto de celebrar a sesión extraordinaria convocada para ese día ás dezanove horas e trinta minutos.

Actúa como secretario o que o é da Corporación, D. Baldomero Beceiro Alonso.

Os asuntos da **orde do día** son os seguintes:

- 1.- Aprobación da acta da sesión do día 12 de novembro de 2025
- 2.- Solicitud axuda emerxencia social
- 3.- Contratos menores
- 4.- Aprobación da liquidación do programa Xantar na Casa correspondente ao terceiro trimestre de 2025
- 5.- Aprobación da relación de facturas núm. 059XOK/2025
- 6.- Adxudicación contratos menores

1.- APROBACIÓN DA ACTA DA SESIÓN DO DÍA 12 DE NOVEMBRO DE 2025

O Sr. Alcalde en funcións pregúntalles aos asistentes se teñen que facer algunha alegación á devandita acta, que, como está acordado, se publicou no Taboleiro de Anuncios Electrónico do Concello con anterioridade á convocatoria desta sesión, e non formulan ningunha. O Sr. Alcalde en funcións, ao non facerse ningunha alegación, proclama que a acta da sesión do día 12 de novembro de 2025 se considera aprobada sen ningunha obxección.

2.- SOLICITUDE AXUDA EMERXENCIA SOCIAL

O Sr. Secretario-Interventor da conta da solicitude da persoa interesada e a súa documentación anexa, do informe – proposta favorable da Traballadora Social, do informe de fiscalización previa limitada de requisitos básicos de conformidade da Intervención e da proposta de acordo da Alcaldía con respecto a este punto da orde do día que, como o resto da documentación, consta asinada

Documento electrónico asinado dixitalmente cuxa integridade garántese mediante cotexo na Sede Electrónica deste Organismo co Código de Verificación Dixital (CVD) especificado á marxe.

(artigo 42.b da Lei 40/2015, de 1 de outubro, de Réxime Xurídico do Sector Público)



CONCELLO DE MONFERO (A Coruña)

dixitalmente no expediente electrónico do aplicativo Tedec e que se transcribe textualmente a **continuación**:

“PROPOSTA DE ACORDO QUE FORMULA A ALCALDÍA A XUNTA DE GOBERNO LOCAL

Nº EXPEDIENTE: 2025/S009/000004

OBXECTO: Concesión axuda emerxencia social F.M.,C.

Logo de ver o expediente tramitado a solicitude da persoa coas iniciais que se indican, o informe favorable emitido pola Traballadora Social do Concello de Monfero, Dona Patricia Martínez Lago, e o informe de fiscalización previa limitada de requisitos básicos de conformidade da Intervención, e considerando que se dan as circunstancias sinaladas na Ordenanza municipal reguladora das axudas de emerxencia social do Concello de Monfero (OAESM), que consta que a instrutora do procedemento comprobou a través da consulta de interoperabilidade do aplicativo TEDEC a documentación esixida no artigo 10 da OAESM e que reúne os requisitos esixidos nela para a concesión deste tipo de axudas, e que o gasto debe de xustificarse en forma, propóñolle a Xunta de Goberno Local a adopción dos seguintes acordos:

- 1.- Conceder unha axuda de emerxencia social (art. 3.1 a, b, c) da OAESM para cubrir as necesidades básicas de subsistencia non cubertas por outros sistemas de protección (alimentación, roupa e/ou calzado), produtos de aseo persoal para a menor da unidade de convivencia en idade escolar, sempre que non estiveran cubertos por outras axudas públicas, á persoa que responde ás iniciais F.M.,C. que se identifica no expediente electrónico do programa TEDEC indicado anteriormente, por importe máximo de 250 euros. As compras dos produtos básicos de alimentación, de aseo persoal, hixiene doméstica e compra de roupa, serán realizadas pola traballadora social do Concello, Patricia Martínez Lago, e se lle fará a entrega á persoa beneficiaria no Concello.
- 2.- Imputar o gasto correspondente á aplicación do orzamento en vigor 231.48100
- 3.- Notificar este acordo á persoa interesada.
- 4.- Trasladar este acordo á Traballadora Social do Concello para que proceda a realizar a compra e ao Servizo Municipal de Contabilidade, Tesourería e Nóminas para a realización das anotacións contables derivadas del.

O Alcalde en funcións, Alberto Cortizas Rejo”

A Xunta de Goberno local, por delegación da Alcaldía, toma razón e, por unanimidade, acorda aprobar a proposta.

3.- CONTRATOS MENORES

Documento electrónico asinado dixitalmente cuxa integridade garántese mediante cotexo na Sede Electrónica deste Organismo co Código de Verificación Dixital (CVD) especificado á marxe.
(artigo 42.b da Lei 40/2015, de 1 de outubro, de Réxime Xurídico do Sector Público)



CONCELLO DE MONFERO (A Coruña)

O Sr. Secretario-interventor dá conta da documentación deste expediente e da proposta de acordo da Alcaldía con respecto a este punto da orde do día que, como o resto da documentación, consta asinada dixitalmente no expediente electrónico que se indica a continuación, e se transcribe literalmente deseguido:

“PROPOSTA DE ACORDO QUE FORMULA A ALCALDÍA

EXPEDIENTE DE CONTRATO MENOR		
<i>número expediente</i>	2025/C002/000033	
<i>Órgano contratación</i>	XUNTA GOBERNO LOCAL	
<i>Tipo:</i>	Servizos	
<i>Obxecto:</i>	ILUMINACIÓN NADAL (arcadas, decoración fachada Concello, decoración árbores, segundo informe de necesidade que consta no expediente)	
<i>Código CPV:</i>	- 34991000-0 Luces para iluminación exterior. - 31522000-1 Luces para árbore de Nadal. - 31520000-7 Lámpadas e accesorios de iluminación	
<i>Orzamento licitación:</i>	Orzamento Base:7.438,02€	TOTAL 9.000,00€
<i>Prazo execución</i>	colocación: 12 días	acendido : 9 decembro 2025 apagado: 8 de xaneiro 2026
<i>Necesidade do contrato:</i> <i>(art. 118.2 da Lei 9/2017)</i>	O Concello ten a necesidade de contratar o obxecto deste servizo para a realización e cumprimento dos seus fins institucionais e non conta cos medios humanos propios precisos e suficientes, nin pode satisfacerse a dita necesidade con ningún outro contrato ou negocio xurídico previo en vigor	
<i>Fins institucionais que pretenden satisfacerse (competencia municipal):</i>	Promoción da actividade turística de interese e ámbito local e da cultura (art. 25.2.h e art. 25.2m da Lei 7 /1985)	
<i>Financiamento:</i>	Municipal (fondos propios)	

Para atender a necesidade a satisfacer sinalada, é preciso contratar o obxecto reflectido, que é o idóneo para cubrir a dita necesidade de forma clara, directa e proporcional, resultando entón que a actuación que se pretende contratar é a adecuada para o fin perseguido.



CONCELLO DE MONFERO (A Coruña)

O obxecto do contrato non é susceptible da súa división en lotes porque os servizos comprendidos nel non teñen substantividade propia nin constitúen unha unidade funcional por si mesmas de forma independente, e/ou son inseparables, de maneira que non é posible a súa execución de maneira separada ou a súa división tería como consecuencia a perda da economía e da eficiencia pola multitude de trámites engadidos que tería o expediente.

O Concello non conta con medios propios persoais ou materiais adecuados ou suficientes, nin pode satisfacerse a dita necesidade con ningún outro contrato ou negocio xurídico previo en vigor, o que acredita axeitadamente a insuficiencia de medios para a realización do obxecto do contrato e a necesidade da contratación dunha empresa externa para a súa realización.

A contratación que se pretende realizar non altera o obxecto do contrato para evitar a aplicación das regras xerais de contratación. O obxecto do contrato trata de satisfacer unha necesidade puntual e non prevista e é único e non supón, por tanto, fraccionamento do obxecto do contrato (art. 118.3 da Lei 9/2017). O seu valor estimado é inferior aos 15.000,00 euros.

Así pois, considérase que a utilización do contrato menor como sistema para a adxudicación, ademais de resultar procedente, é o máis axeitado pola súa simplicidade, axilidade, eficacia e economía de trámite e a reducida capacidade de xestión municipal, que dificulta a utilización doutros procedementos, inxustificables tamén economicamente á vista da natureza e contía do contrato.

Polo exposto, propóñolle á Xunta de goberno local a adopción do seguinte acordo:

primeiro.- Iniciar o expediente de contratación referenciado ao principio.

SEGUNDO.- Informar que o contrato ao que se refire este expediente é necesario conforme se explicou anteriormente e, polo tanto, que está xustificada de maneira motivada a necesidade da contratación.

TERCEIRO.- Informar que non se está alterando o obxecto do contrato para evitar a aplicación dos límites previstos no artigo 118.3 da Lei 9/2017, cos argumentos expostos anteriormente.

CUARTO.- Que se emita informe pola Secretaría-Intervención sobre os seguintes extremos:

- Lexislación aplicable
- Procedemento a seguir para o contrato menor
- Órgano competente para contratar
- Existencia de crédito orzamentario e a súa adecuación

QUINTO.- De existir crédito orzamentario suficiente e axeitado para o efecto, procédase a súa retención polos servizos de contabilidade, solicítase oferta ás empresas que se relacionan



CONCELLO DE MONFERO (A Coruña)

deseguido, que considero capacitadas para a execución do obxecto do contrato, para que, no prazo de 3 días hábiles, presenten a súa oferta por medios electrónicos, facéndolles saber que non se admiten variantes e que o único criterio de adxudicación será o prezo máis baixo.

1. Electricidad Cruceiro, S.L.
2. Electricidad Lesta, S.L.
3. Jose Manuel Presedo Mira

O Alcalde en funcións, Alberto Cortizas Rejo"

A Xunta de Goberno local, por delegación da Alcaldía, toma razón e, por unanimidade, acorda aprobar a proposta.

4.- APROBACIÓN DA LIQUIDACIÓN DO PROGRAMA XANTAR NA CASA CORRESPONDENTE AO TERCEIRO TRIMESTRE DE 2025

O Sr. Secretario-Interventor informa sobre o requirimento recibido coa liquidación do servizo do período indicado, sobre a documentación que o acompaña, sobre o informe da Traballadora Social do Concello, sobre o informe de intervención limitada previa de requisitos básicos de conformidade e sobre a proposta de acordo da Alcaldía con respecto a este punto que se transcribe literalmente deseguido e que consta asinada dixitalmente no correspondente expediente electrónico:

"PROPOSTA DA ALCALDÍA A XUNTA DE GOBERNO LOCAL

Logo de examinar a liquidación da achega económica municipal do servizo Xantar na Casa, correspondente ao terceiro trimestre de 2025, e os xustificantes dos gastos e demais documentación xustificativa presentada pola Xerencia do Consorcio Galego de Servizos de Igualdade e Benestar, así como o informe da Traballadora Social do Concello, Patricia Martínez Lago, que consta asinado dixitalmente no correspondente expediente electrónico, sen obxeccións sobre o servizo prestado, e o informe de intervención limitada previa de requisitos básicos de conformidade, e considerando que as prestacións corresponden a servizos derivados de compromisos de gasto debidamente adquiridos e que están realizadas e en beneficio da veciñanza e coa conformidade do Concello, que dispón de crédito orzamentario suficiente e axeitado para facerlles fronte, propóñolle á Xunta de Goberno Local a adopción do seguinte acordo:

Prestar aprobación á liquidación do servizo Xantar na Casa, núm. 904, de data do 14 de novembro de 2025, por importe de 3.084,90€, correspondente a 1.582 xantares subministrados a persoas usuarias do servizo deste Concello do terceiro trimestre de 2025 e recoñecer e liquidar a obriga correspondente ao dito gasto e que a Tesourería Municipal proceda ao seu pagamento ao Consorcio Galego de Servizos de Igualdade e Benestar e a súa contabilización con cargo a aplicación orzamentaria 2025.231.45000

O Alcalde en funcións, Alberto Cortizas Rejo"

Documento electrónico asinado dixitalmente cuxa integridade garántese mediante cotexo na Sede Electrónica deste Organismo co Código de Verificación Dixital (CVD) especificado á marxe.

(artigo 42.b da Lei 40/2015, de 1 de outubro, de Réxime Xurídico do Sector Público)



CONCELLO DE MONFERO (A Coruña)

A Xunta de Goberno local, por delegación da Alcaldía, toma razón e, por unanimidade, acorda aprobar a proposta.

5.- APROBACIÓN DA RELACIÓN DE FACTURAS NÚM. 059XOK/2025

O Sr. Secretario-Interventor informa sobre as facturas a aprobar, sobre a proposta de acordo da Alcaldía con respecto a este punto da orde do día que se transcribe literalmente deseguido, sobre o seu informe de Intervención limitada previa de requisitos básicos de conformidade e sobre o resto da documentación que, como a anteriormente indicada, consta asinada dixitalmente no expediente electrónico da aplicación Tedec relacionado con este punto da orde do día:

“PROPOSTA DA ALCALDÍA

Logo de examinar as facturas incluídas na relación delas n.º 59XOK/2025 e o informe favorable da Intervención municipal que consta asinado dixitalmente no correspondente expediente electrónico, considerando que as prestacións corresponden a servizos derivados de compromisos de gasto debidamente adquiridos e que consta acreditado no expediente que están realizadas e en beneficio e coa conformidade do Concello, que dispón de crédito orzamentario suficiente e axeitado para facerlles fronte, propóñolle á Xunta de Goberno Local a adopción do seguinte acordo:

Recoñecer e liquidar as obrigas correspondentes aos gastos que contén a relación de facturas que se indica a continuación, aos que se lle presta aprobación, e que a Tesourería Municipal proceda ao seu pagamento aos provedores e a súa contabilización con cargo ás aplicacións orzamentarias que nela se indican:

RELACIÓN DE FACTURAS NÚMERO	59XOK/2025
Importe total	71.197,65€
Número de facturas e gastos que contén	6
Número do Rexistro de Facturas da primeira factura	F/2025/2165
Número do Rexistro de Facturas da última factura	F/2025/2442

O Alcalde en funcións, Alberto Cortizas Rejo”

A Xunta de Goberno local, por delegación da Alcaldía, toma razón e, por unanimidade, acorda aprobar a proposta.

6.- ADXUDICACIÓN CONTRATOS MENORES

O Sr. Alcalde en funcións anuncia que retira este punto da orde do día ao non estar rematado o expediente para aprobalo na Xunta de goberno local e esta toma coñecemento sen que se produzan intervencións.

Documento electrónico asinado dixitalmente cuxa integridade garántese mediante cotexo na Sede Electrónica deste Organismo co Código de Verificación Dixital (CVD) especificado á marxe.

(artigo 42.b da Lei 40/2015, de 1 de outubro, de Réxime Xurídico do Sector Público)



CONCELLO DE MONFERO (A Coruña)

E sen máis asuntos que tratar, o Sr. Alcalde en funcións levantou a sesión, ás vinte horas e nove minutos do día ao principio indicado, e eu, como Secretario, certifícoo.

O Alcalde en funcións

O Secretario